

ÁKVÖRDUN FRAMKVÆMDASTJÓRNARINNAR

2014/EES/73/93

frá 9. nóvember 2010

um spurningalista fyrir skýrslur aðildarríkjanna um framkvæmd tilskipunar ráðsins 1999/13/EB um takmörkun á losun rokgjarnra lífrænna efnasambanda vegna notkunar lífrænna leysiefna við tiltekna starfsemi og í tilteknum starfsstöðvum á tímabilinu 2011–2013

(tilkynnt með númeri C(2010) 7591)

(2010/681/ESB) (*)

FRAMKVÆMDASTJÓRN EVRÓPUSAMBANDSINS HEFUR,
með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 1999/13/EB frá 11. mars 1999 um takmörkun á losun rokgjarnra lífrænna efnasambanda vegna notkunar lífrænna leysiefna við tiltekna starfsemi og í tilteknum starfsstöðvum ⁽¹⁾, einkum 1. mgr. 11. gr.,

með hliðsjón af tilskipun ráðsins 91/692/EBE frá 23. desember 1991 um að staðla og einfalda skýrslur um framkvæmd vissra tilskipana um umhverfismál ⁽²⁾,

og að teknu tilliti til eftirfarandi:

- 1) Samkvæmt 1. mgr. 11. gr. tilskipunar 1999/13/EB er aðildarríkjum skylt að semja skýrslur um framkvæmd tilskipunarinnar á grundvelli spurningalista eða eyðublaðs sem framkvæmdastjórnin útbýr í samræmi við málsmæðferðina sem mælt er fyrir um í 6. gr. tilskipunar 91/692/EBE.
- 2) Aðildarríkin hafa samið skýrslur um framkvæmd tilskipunarinnar fyrir tímabilið frá 1. janúar 2003 til 31. desember 2004 samkvæmt ákvörðun framkvæmdastjórnarinnar 2002/529/EB frá 27. júní 2002 um spurningalista fyrir skýrslur aðildarríkjanna um framkvæmd tilskipunar 1999/13/EB um takmörkun á losun rokgjarnra lífrænna efnasambanda vegna notkunar lífrænna leysiefna við tiltekna starfsemi og í tilteknum starfsstöðvum ⁽³⁾.
- 3) Aðildarríkin hafa samið skýrslur um framkvæmd tilskipunarinnar fyrir tímabilið frá 1. janúar 2005 til 31. desember 2007 samkvæmt ákvörðun framkvæmdastjórnarinnar 2006/534/EB frá 20. júlí 2006 um spurningalista fyrir skýrslur aðildarríkjanna um framkvæmd tilskipunar 1999/13/EB á tímabilinu 2005–2007 ⁽⁴⁾.

- 4) Aðildarríkjunum ber skylda að gefa skýrslu um framkvæmd tilskipunarinnar fyrir tímabilið frá 1. janúar 2008 til 31. desember 2010 samkvæmt ákvörðun framkvæmdastjórnarinnar 2007/531/EB frá 26. júlí 2007 um spurningalista fyrir skýrslur aðildarríkjanna um framkvæmd tilskipunar ráðsins 1999/13/EB um takmörkun á losun rokgjarnra lífrænna efnasambanda vegna notkunar lífrænna leysiefna við tiltekna starfsemi og í tilteknum starfsstöðvum á tímabilinu 2008–2010 ⁽⁵⁾ eigi síðar en 30 september 2011.
- 5) Fjórtíða skýrslan ætti að taka til tímabilsins 1. janúar 2011 til 31. desember 2013.
- 6) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fótt í samræmi við 6. mgr. tilskipunar 91/692/EBE.

SAMÞYKKT ÁKVÖRDUN ÞESSA:

1. gr.

Aðildarríkin skulu nota spurningalistann í viðaukanum við þessa ákvörðun við samningu skýrslunnar, sem skal vera fyrir tímabilið frá 1. janúar 2011 til 31. desember 2013, en skýrslan skal lögð fyrir framkvæmdastjórnina skv. 1. mgr. 11. gr. tilskipunar 1999/13/EB.

2. gr.

Ákvörðun þessari er beint til aðildarríkjanna.

Gjört í Brussel 9. nóvember 2010.

Fyrir hönd framkvæmdastjórnarinnar,

Janez POTOČNIK

framkvæmdastjóri.

(*) Þessi EB-gerð birtist í Stjtið. ESB L 292, 10.11.2010, bls. 65. Hennar var getið í ákvörðun sameiginlegu EES-nefndarinnar nr. 132/2011 frá 2. desember 2011 um breytingu á II. viðauka (Tæknilegar reglugerðir, staðlar, prófanir og vottun) og XX. viðauka (Umhverfismál) við EES-samninginn, sjá *EES-viðbætur við Stjórnartíðindi Evrópusambandsins* nr. 15, 15.3.2012, bls. 19.

⁽¹⁾ Stjtið. EB L 85, 29.3.1999, bls. 1.

⁽²⁾ Stjtið. EB L 377, 31.12.1991, bls. 48.

⁽³⁾ Stjtið. EB L 172, 2.7.2002, bls. 57.

⁽⁴⁾ Stjtið. ESB L 213, 3.8.2006, bls. 4.

⁽⁵⁾ Stjtið. ESB L 195, 27.7.2007, bls. 47.

VIÐAUKI

Spurningalisti um framkvæmd tilskipunar 1999/13/EB um takmörkun á losun rokgjarnra, lífrænna efnasambanda vegna notkunar lífrænna leysiefna við tiltekna starfsemi og í tilteknum starfsstöðvum á tímabilinu 2011–2013**1. Almenn lýsing**

Tilgreina skal viðkomandi upplýsingar um breytingar á landslöggjöf á skýrslutímabilinu að því er varðar tilskipun 1999/13/EB.

2. Stöðvar sem tilskipunin nær til

2.1. Fyrir hvern starfsþáttanna 20 í 1. hluta II. viðauka A og 2. hluta II. viðauka A skal tilgreina hve margar stöðvar, sem falla undir tilskipun 1999/13/EB, falla undir neðangreinda flokka 31. desember 2013:

— heildarfjöldi stöðva,

— heildarfjöldi stöðva sem tilskipun Evrópuþingsins og ráðsins 2008/1/EB (IPPC-tilskipun) tekur einnig til,

— heildarfjöldi stöðva sem eru skráðar/hafa leyfi samkvæmt tilskipun 1999/13/EB,

— heildarfjöldi stöðva sem eru skráðar/hafa leyfi til að nota skerðingaráætlunina,

— heildarfjöldi stöðva sem hafa fengið undanþágu skv. a-lið 3. mgr. 5. gr. tilskipunar 1999/13/EB. Leggið fram skrá yfir viðkomandi stöðvar og látið fylgja rökstuðning fyrir hverja þeirra varðandi þá undanþágu sem veitt er,

— heildarfjöldi stöðva sem hefur verið veitt undanþága skv. b-lið 3. mgr. 5. gr. tilskipunar 1999/13/EB. Leggið fram skrá yfir viðkomandi stöðvar og látið fylgja rökstuðning fyrir hverja þeirra varðandi þá undanþágu sem gefin er.

2.2. Fyrir hvern starfsþáttanna 20 í 1. hluta II. viðauka A og 2. hluta II. viðauka A skal tilgreina hve margar stöðvar, sem falla undir tilskipun 1999/13/EB, falla undir neðangreinda flokka:

— heildarfjöldi nýrra stöðva sem voru skráðar/höfðu leyfi samkvæmt tilskipun 1999/13/EB á skýrslutímabilinu,

— heildarfjöldi mikið breyttra stöðva sem voru skráðar/höfðu leyfi samkvæmt tilskipun 1999/13/EB á skýrslutímabilinu.

2.3. Tilgreinið hvernig skráin yfir stöðvar sem hafa hlotið leyfi og eru skráðar og niðurstöður vöktunar á losun eru gerðar aðgengilegar almenningi skv. 1. og 2. mgr. 12 gr. tilskipunar 1999/13/EB. Ef þessar upplýsingar eru aðgengilegar öllum á Netinu skal gefa upp veffangið. Ef svo er ekki skal tilgreina hvar unnt er að óska eftir upplýsingunum.

3. Staðgönguefni

Fyrir hvern starfsþáttanna 20 í 1. hluta II. viðauka A og starfsþættina í 2. hluta II. viðauka A skal tilgreina hvaða eftirfarandi efni eða blöndur eru enn notaðar 31. desember 2013 og í hvaða (áætlaða) magni (tonn á ári) efni eða blöndur sem flokkast sem krabbameinsvaldar, stökkbreytivaldar eða hafi eiturhrif á æxlun, samkvæmt reglugerð Evrópuþingsins og ráðsins (EB) nr. 1272/2008 frá 16. desember 2008 um flokkun, merkingu og pökkun efna og blandna, vegna þess að þau innihalda rokgjörn, lífræn efnasambönd, fá eða eiga að bera hættusetningarnar H340, H350, H350i, H360D eða H360F eða hættusetningarnar H45, H46, H49, H60 eða H61.

Tilgreinið, ef slíkar upplýsingar liggja fyrir, efnin með IUPAC-heiti þeirra og CAS-númeri og blöndurnar með einu verslunarheiti og tilgreinið viðkomandi innihaldsefni þeirra.

Tilgreinið einnig efni sem eru notuð sem staðgönguefni fyrir framangreind efni og blöndur (valkvætt).

4. Vöktun

Fyrir hvern starfsþáttanna 20 í 1. hluta II. viðauka A og starfsþættina í 2. hluta II. viðauka A skal tilgreina fjölda stöðva sem eru stöðugt vaktaðar vegna uppfyllingar ákvæða skv. 2. mgr. 8. gr. tilskipunar 1999/13/EB.

5. Uppfylling krafna

Fyrir hvern starfsþáttanna 20 í 1. hluta II. viðauka A og starfsþættina í 2. hluta II. viðauka A skal tilgreina eftirfarandi tölur fyrir árið 2012:

- fjölda rekstraraðila sem hafa orðið uppvisir að því að uppfylla ekki kröfur tilskipunar 1999/13/EB:
 - a) vegna þess að gögnin, sem um getur í 1. mgr. 8. gr. tilskipunar 1999/13/EB, voru annaðhvort ekki tilkynnt eða nægðu ekki til að gera lögbærum yfirvöldum kleift að sannprófa hvort kröfur væri uppfylltar,
 - b) í tengslum við að aðrar kröfur í tilskipun 1999/13/EB voru ekki uppfylltar, einkum að því er varðar ákvæði 3. gr. (2. mgr.), 4. gr. (2. mgr.) 5. gr. og 8. gr. (2. og 3. mgr.),
- fjölda stöðva sem hafa hlotið leyfi en leyfin hafa verið felld tímabundið úr gildi eða afturkölluð af lögbærum yfirvöldum ef kröfurnar eru ekki uppfylltar skv. b-lið 10. gr. tilskipunar 1999/13/EB.

6. Losun

Fyrir hvern starfsþáttanna 20 í 1. hluta II. viðauka A og starfsþættina í 2. hluta II. viðauka A skal tilgreina fjölda tonna af rokgjörnum, lífrænum efnasamböndum sem eru losuð árið 2012. Tilgreinið hvort talan sem gefin er upp byggist á mældum gögnum, reiknuðum gögnum og/eda áætlunargögnum.

7. Áætla skal eftirfarandi, ef unnt er:

- heildarfjöldi starfsfólks (landsbundin, svæðisbundin, staðbundin yfirvöld) sem tekur þátt í framkvæmd og framfylgd tilskipunar 1999/13/EB (valkvætt),
- heildarkostnað (evrur á ári) í þessu sambandi fyrir þessi yfirvöld (valkvætt).

8. Aðrar athugasemdir